

Universidade de Santiago de Compostela

INSTITUTO DE CRIMINOLOXIA

Curso 2004-2005

CONVOCATORIA DE MATRICULA

A presente convocatoria de matrícula réxese pola Orde do 20 de xullo de 1981, pola que se aproba o Plan de estudos do Instituto de Criminoloxía, dependente da Universidade de Santiago de Compostela, e, en aqueles aspectos non regulados expresamente, pola Normativa de Xestión Académica. Serán os seus destinatarios tódolos alumnos que pretendan iniciar ou continuar estudos no Instituto de Criminoloxía da Universidade de Santiago de Compostela.

1.- Alumnos que poden formalizar matrícula

Poderán formalizar a matrícula, nos prazos establecidos na presente convocatoria, os seguintes alumnos:

1.1.- Alumnos que inicien estudos:

Aqueles alumnos que tralo proceso de preinscrición foron admitidos polo Instituto sempre e cando acrediten, de non telo feito, estar en posesión dalgún título ou proba que lle de acceso a ditos estudos (Anexo I).

1.2.- Alumnos que continúen estudos:

Os alumnos que estiveron matriculados nesta titulación no curso 2003-2004 ou anteriores. Estes alumnos poderán formalizar matrícula en calquera materia do plan de estudos, de acordo coa ordenación temporal establecida por este.

Prerrequisitos: Non poderán formalizar matrícula nas materias que, conforme ó plan de estudos, teñan establecidas materias prerrequisito, de non terse matriculado previa ou simultaneamente nestas últimas (Anexo II).

2.- Imposibilidade legal de nova inscrición no primeiro curso:

Os alumnos que inicien estudos deberán superar como mínimo o 50% da carga lectiva correspondente ó primeiro curso nos tres primeiros cursos académicos. De non facelo non poderán continuar este estudos, salvo circunstancias extraordinarias así recoñecidas polo órgano competente.

3.- Validacións:

Os alumnos do Instituto que teñan cursadas e superadas en Facultades ou Escolas Universitarias materias validables polas equivalentes do plan de estudos de Criminoloxía, poderán solicitarlo mediante instancia dirixida ó Director do Instituto acompañada da certificación e programas correspondentes.

4.- Prazo e procedemento para a formalización da Matrícula:

A matrícula poderá formalizarse en horario de 9,00 a 14,00 h. no Negociado do Instituto de Criminoloxía sito na Facultade de Dereito, 2º andar, campus sur, no prazo comprendido entre o 2 e o 30 de novembro, ámbolos dous inclusive.

5.- Prezos públicos:

Os alumnos que formalicen matrícula nos estudos conducentes á obtención do título propio do Diploma de Criminoloxía deberán aboa-los prezos públicos establecidos (Anexo III).

5.1.- Forma de pagamento dos prezos públicos: O importe da matrícula deberá ingresarse na entidade bancaria colaboradora utilizando os impresos que serán facilitados xunto co sobre de matrícula, entregando o correspondente xustificante acreditativo no negociado do Instituto.

5.2.- Seguro obrigatorio de accidentes: Tódolos alumnos están obrigados a subscribir un seguro de accidentes agás os que acrediten estar matriculado noutra titulación da USC, o persoal funcionario, laboral e investigador da USC e os bolseiros que acrediten ter seguro escolar ou cobertura de seguro de accidentes.

5.3.- Exencións: Non caberán exencións nin bonificacións de prezos, nin serán aplicables descontos por familia numerosa, nin outras bolsas ou exencións previstas para estudos oficiais de 1º, 2º ou 3º ciclo, por ser os estudos de Criminoloxía autofinanciados.

Estarán exentos do pagamento da tarxeta de identidade os alumnos que acrediten estar matriculados nunha titulación oficial da USC.

6.- Documentos:

Deberán presentar, xunto cos impresos de matrícula debidamente cumprimentados, a documentación que se relaciona no Anexo IV.

7.- Efectos da inscrición:

A matrícula realizada de acordo con estas normas supón o dereito e o deber de asistencia ás clases teóricas e prácticas, así como a realización dos traballos complementarios adecuados. Igualmente supón o dereito a ser cualificado nas convocatorias establecidas polo Instituto.

8.- Modificación da matrícula:

Poderá solicitarse antes do 15 de decembro e en ningún caso se concederá a anulación da matrícula nin a devolución dos prezos abonados.

Santiago, 29 de outubro de 2004.

O DIRECTOR,

Fernando Vázquez -Portomeñe Seijas



ANEXO I

Segundo o artigo 3º da Orde de 20 de xullo de 1981 (BOE de 30 de setembro de 1981), para poder iniciar os estudos no Instituto de Criminoloxía da Universidade de Santiago de Compostela é necesario estar en posesión dos títulos que habilitan para iniciar directamente estudos universitarios. Como referencia pode consultarse o listado de títulos e probas contido no ANEXO III da Resolución Reitoral do 29 de xuño de 2004, pola que se fai pública a convocatoria de matrícula na Universidade de Santiago de Compostela para o curso 2004/2005:

TÍTULOS ACADÉMICOS OU PROBAS QUE HABILITAN PARA MATRICULARSE DIRECTAMENTE EN FACULTADES, ESCOLAS TÉCNICAS SUPERIORES E COLEXIOS UNIVERSITARIOS.

.Enxeñeiros técnicos e arquitectos técnicos.- fotocopia compulsada do título ou ben, no seu defecto, resgardo acreditativo, expedido pola escola universitariá correspondente, de ter aboados os dereitos para a súa expedición.

.Bachareis xerais e técnicos superiores

.PROGRAMAS DE ESTUDIOS DE 1934 e 1938: Fotocopia compulsada do título

.PROGRAMAS POSTERIORES:

a) Alumnos do curso preuniversitario: fotocopia compulsada da dilixencia do Libro Escolar de ter superadas as probas de madurez do dito curso.

b) Bachareis técnicos superiores: Resgardo de ter solicitada a certificación de que superou o exame de madurez.

c) Alumnos do curso de orientación universitaria (COU), posteriores ó curso 1974-75: fotocopia da dilixencia do Libro Escolar na que conste que ten superadas as probas de aptitude para o acceso ás facultades, escolas técnicas superiores e colexios universitarios.

d) Alumnos do Curso de Orientación Universitaria anteriores ó curso 1974-75: fotocopia da dilixencia do Libro Escolar na que conste que se acadou avaliación global positiva no COU.

Tódolos alumnos citados deberán, ademais, presentar resgardo de ter aboadas as taxas para a expedición do título de Bacharel.

.Probas de acceso á Universidade - fotocopia compulsada da tarxeta na que figure telas superadas e a súa cualificación definitiva.

.Validación de estudos realizados no estranxeiro.- os españois e estranxeiros que realizasen estudos validables do Bacharelato e do COU e teñan aprobadas as probas de acceso á Universidade deberán presentar:

a) Resgardo acreditativo de ter promovida a validación dos seus estudos polos equivalentes españois.

b) Fotocopia da tarxeta de inscrición na que conste que superaron as probas de aptitude para o acceso ás facultades, escolas técnicas superiores e colexios universitarios, compulsada polo Instituto de Bacharelato nos que previamente legalizaron a súa situación académico-administrativa.

Os que superaron as ditas probas de aptitude a través da UNED e xustificuen a residencia dos seus pais no estranxeiro poderán ter unha praza escolar para iniciar estudos nesta Universidade sempre que o relacionasen ó face-la inscrición nas probas.

.Diplomados polas escolas universitarias.- fotocopia do título debidamente compulsado polo Centro no que realizou os seus estudos, ou no seu defecto, resgardo acreditativo de ter aboados os dereitos para a súa expedición.

Graduados sociais.- fotocopias compulsadas do título ou resgardo de ter aboadas as taxas para a súa expedición.

.Licenciados por facultades universitarias e titulados de escolas técnicas superiores.- fotocopias compulsadas do título ou resgardo de ter aboadas as taxas para a súa expedición.

Mestres de ensino primario.- os do plano de 1950 e anteriores, copia do título ó face-la inscrición nas facultades de Xeografía e Historia, Filoloxía e Filosofía e Ciencias da educación; para as outras facultades, ademais, o certificado de ter superado o exame de ingreso.

.Os do plano de 1967, teñen acceso a tódalas facultades, deben presentar unha copia compulsada do título.

.Oficiais da Forzas Armadas.- certificación académica persoal que acredite que superaron os estudos regulares nas academias xeral militar, ou especiais da armada: Escala Naval Militar e a Academia Xeral do Aire.

.Profesores mercantís.- fotocopia compulsada do título respectivo.

.Probas de acceso para maiores de 25 anos.- certificado de ter superadas as probas de acceso na Universidade de Santiago.

.Titulados por escalas técnicas de grao medio.- fotocopia compulsada do título correspondente.

.Titulados por escalas oficiais de Náutica e Máquina.- fotocopia compulsada do título expedido pola Subsecretaría da Mariña Mercante do Ministerio de Comercio, relativos ás seguintes titulacións: Capitán de mariña mercante, maquinista naval xefe; oficial de primeira clase do Servizo Radioeléctrico da Mariña Mercante; pilotos de segunda clase da Mariña Mercante, oficiais de máquinas de segunda clase da Mariña Mercante e oficiais de segunda clase do Servizo Radioeléctrico da Mariña Mercante sempre que uns e outros obtivesen a formación completa que se determina no Decreto 1439/1975 do 26 de xuño (BOE do 3 de xullo)

.Titulados de técnicos de empresas e actividades turísticas, obtido consonte ó plano de estudos establecido pola orde ministerial do 29 de outubro de 1980 e a orde ministerial do 22 de marzo de 1983.

.Títulos superiores de música e danza, para os que teñan superado o grao superior. (art. 42.3 LOXSE)(título equivalente ó licenciado universitario)

.Título superior de Arte Dramática (art. 45.1 LOXSE) (título equivalente a licenciado universitario)

.Titulados en Conservación e Restauracións de Bens Culturais. (Art. 49,1 LOXSE) (título equivalente ó Diplomado Universitario)

. Titulados en Deseño (Art. 49,1 LOGSE) (título equivalente ó diplomado universitario)

Titulados de nivel universitario en Ciencias Eclesiásticas RD 3/1995 do 13 de xaneiro

HABILITAN PARA A MATRÍCULA EN ESCOLAS UNIVERSITARIAS OU EN FACULTADES

. Titulados de formación profesional de segundo grao.- pode acceder ós estudos conducentes ó título de diplomado ou enxeñeiro técnico segundo o establecido nas ordes do 31 de xullo de 1992 (BOE do 25 de agosto), 2 de novembro de 1992 (BOE do 11) e do 20 de maio de 1993 (BOE do 25 de maio).

HABILITAN PARA A MATRÍCULA EN ESCOLAS UNIVERSITARIAS

Os bachareis superiores (xerais e técnicos) co Curso de Orientación Universitaria.

Mestres industriais, que superasen as probas de reválida, exclusivamente para seguir estudos nas escalas universitarias de Enxeñería Técnica e Arquitectura Técnica.- fotocopia do título, debidamente compulsada.



ANEXO II


Materias sometidas a prerequisites:

<u>Materias</u>	<u>Curso</u>	<u>Materias</u>	<u>Curso</u>
Criminología I	1º	Criminología II Criminología III	2º 3º
Penología, sistemas e tratamento peni- tenciarios	1º	Dereito Penal I Dereito Penal II	2º 3º
Sociología	1º	Sociología Criminal	2º
Psicología	1º	Psicología Criminal	2º
Criminología II	2º	Criminología III	3º
Dereito Penal I	2º	Dereito Penal II	3º

ANEXO III

INSTITUTO DE CRIMINOLOXÍA PREZOS PÚBLICOS POR SERVICIOS ACADÉMICOS E SOBRE DE MATRÍCULA

CURSO 2004-05



Curso completo	297,46
Materias soltas 1ª e; 2ª matrícula	91,03
Materias soltas 3ª ou sucesivas matrículas	113,77
Apertura de expediente	18,86
Certificación Académica	18,86
Expedición Tarxeta de Identidade	4,05
Expedición de Título Académico	23,74
Sobre de matrícula	2,00

ANEXO IV

DOCUMENTOS PARA A SOLICITUDE DE MATRÍCULA

Para todos os alumnos:

- Solicitud de matrícula
- Fotocopia do Documento Nacional de Identidade (de non telo entregado coa solicitude de preinscripción ou non obrar no expediente do alumno).

Para alumnos que se matriculen por primeira vez en primeiro curso:

- Documento que corresponda segundo o título ou as probas que habilitan ó alumno para iniciar directamente estudos universitarios (de non te-lo entregado coa solicitude de preinscripción).

